



КАЗКИ.



Богатый
ДЛЯ МАЛЫХ ДЕТЕЙ.

БОГАТЫЙ МАРКО.

20
КАЗКИ ДЛЯ МАЛЫХ ДѢТЕЙ.

10-084.
Львів. Бібліотека
АН УРСР

БОГАТЫЙ МАРКО.

63256



УЖГОРОД 1922.

Выдавництво тов. Просвіта в Ужгородѣ.

Státní tiskárna v Užhorodě 1922-1501.

Львівська державна
наукова бібліотека

№

6503 6533

БОГАТИЙ МАРКО



Богатый Марко хотѣвъ усьх запросити до себе у гостину. Просить
и Бога, чтобы Бог прийшов до него у гостину.

Поѣхав богатый Марко на ярмарок, накупив сукна, выставив дорогу и поставив вартовниковъ, абы никто не ѣздив по сукнѣ. Стоить варта, а туй идуть три старцѣ. А то не старцѣ были а сам Бог, а с ним два ангелы. Вартовники кричать :

— Не идѣть сюды! По сукнѣ буде ити сам Бог до богатого Марка в гостѣ!

— Пустѣть, люде добри, — каже Бог — мы не будем ити по сукнѣ, мы сукно будем одгортати.

Варта их пропустила и они пошли собѣ. Идуть, тай идуть, онѣ захопила их нѣч. Зайшли они до богатого Марка проситися на нѣч. Богатый Марко не пускае и каже :

У мене теперь богато гостей буде, де я вам дам мѣсце. Идѣть собѣ до кого иного. У мене сьогоня и без того буде повно людей.

— Та нам, — каже Бог, красного мѣсця не треба, нам абы яке. Мы тѣлько переночуеме.

Довго богатый Марко не пускав, а потѣм позвав сестру и каже :

Заведи их тулы, де куры живутъ. Нехай там переночують, коли не хочуть ити до иного господаря.

А сестра повела их у пекарню, дала им на вечерю кусок хлѣба и каже :

Повечеряйте люде добри, тай лягайте спати, де кто захоче, а я пойдю гостей приимати.

И пошла. Пошла она з хаты, але не до комнаты але стала под окном и дивитьсѣ крозь окно, что тотѣ старцѣ будутъ робити.

Сидятъ они на лавѣ и вечерають, коли прилѣтае два ангелы и ка-
жутъ Богови:



— Господи! народилася дѣтина, яку ѣй долю дати? А Бог каже:

— Богатого Марка маєтком най запанує!

Побѣгла сестра до брата и каже ему:

— То не старць, то Бог. Я видѣла, як до него прилетѣли два ангелы и звѣдали, яку долю дати тѣй дѣтинѣ, что народилася. А Бог сказав: „Богатого Марка маєтком най запанує“.

На другій день Марко поѣхав глядати тоту дѣтину. Їздив, їздив, весь край зїздив — не найшов дѣтины. Не скоро то он дознався, что тота дѣтинка живе в иншом краю. Поѣхав туды, купив ту дѣтинку за пятьсот золотых, вивѣз на дорогу, кинув на снѣгу а сам поѣхав до дому.

Лежить та дѣтинка на пути, коло неѣ горить воскова свѣчка и два ангелы ю забавляють, обы не плакала.

Їде дванацять купцѣв до богатого Марка кожу куповати.

Їдуть они, їдуть, онѣ лежить на пути дѣтина.

— Возьмѣм ю!

— Возьмѣм!

От взяли ту дѣтину и поѣхали. Приїздить они до богатого Марка и хваляться ему:

— В такѣм-то — кажуть — и такѣм мѣстѣ, на пути найшли мы таку то и таку дѣтину.

Марко, як почув, напудився так, что онѣ умлѣв. Як подужав знов, поїшов шукати дѣтину. Найшов он ту дѣтину знов, купив за шѣсть сот золотых и казав зробити таку бочку, абы вода не затѣкала. Зробили ту бочку, положили в середину дѣтину и пустили на море. Плавала та бочка по водѣ може за три дни, або и болыше, поки ю вѣтер пригнав до берега. А там бабы хустя прали.

Як побачили они бочку, думали, что то мука плыве. Кажуть, треба бы ю зловити.

Почула дѣтина, что люде говорятъ, оперлася ногами, выдусила дно, вода ю выкинула на берег а бабы ю имили.

Дойшла чутка до богатого Марка, что ту дѣтинку вода выкинула на берег, а бабы ю поймали и взяли за свою дѣтину. Журиться он знову. Что туй робити? Нѣяк не можно звести зо свѣта дѣтинку. Сидѣв он, думав, думав, а далѣ надумався и каже:

— У мого зятя суть злѣ собаки. Поѣду, ще раз куплю ту дѣтинку и напишу до зятя, обы напустив на ню собак. Они розорвуть ю.

Поѣхав он, купив сю дѣтинку за сѣм сот золотых, привѣз до дому, написав до зятя лист и послав тым хлопцем. Он уже вирѣс такій здоровый, хотѣ зараз женитися.

Пѣшов тот хлопец з листом до зятя богатого Марка. Иде тай иде, — аж тут на пути стоить дѣд.

А то був сам Господь Бог.

— Здоров, хлопче!

— Здорови, дѣду!

— Куды ты, хлопче идеш? — звѣдає дѣд.

— Иду до зятя богатого Марка, письмо несу.

— Дай каже дѣд — я прочитаю, что там богатый Марко пише.

— Не дам. Менѣ богатый Марко заборонив, абы я нѣкому не давав читати.

— Ну, коли ты вже не даєш прочитати, то дай хоч подивитися.

— Подивитися мож, но подивися!

И дав дѣдови в руки той лист. А Бог узав, та вымазав то мѣсце де было написане, обы того хлопця розорвали собаки а написав, обы его зять оженив. И отдав лист.

Узав той хлопець лист за пазуху и понѣс до зятя. Зять прочитав его а там Марко пише: „Звѣнчати его в першу недѣлю“.

От дождали недѣлѣ, повели у церков, звѣнчали, посвадьбовали и одписуе зять богатому Маркови:

„Все зробили так, як тобѣ хотѣлося. И повѣнчали и посвадьбовали.“

Як прочитав богатый Марко лист, онѣ за голову вхопився.

— Я писав, думаете собѣ, обы его собаками стровити, а онѣ его повѣнчав. Поѣду я сам до нього, може ще що учиню.

Поѣхав до зятя и звѣдає:

— Что се ты наробив?


— Звѣнчав — каже той.

— На чтож ты его звѣнчав, яж тобѣ писав, обы ты его собаками стровив.

— Як написано было так я и зробив. Я покажу тобѣ твой лист. Покажи!

От, пошли они глядати того листа, а собаки вскочили в хату и розорвали богатого Марка. А той хлопець живе и володѣ цѣлым маетком богатого Марка.

Така то Божя воля!



PL 6553

STÁTNÍ TISKÁRNA V UŽHORODĚ 1922—1501.



PA6553_y

